









LES
ARTICLES DE REMON-
STRANCES FAITES EN LA
Conuention des trois Estats de
Normandie tenue à Rouen, le
quinziésme iour de Nouembre,
& autres iours ensuyuans, mil
cinq cens soixante dix-huict,
Auec la responce & Ordonnan-
ce sur-ce faite par le Roy estant
en son Cõseil, le huiëtiesme iour
du moys de Feurier ensuyuant,
mil cinq cens soixante & dix-
neuf.



Faiët suyuant la copie Imprimée
à Rouen par Martin Mesgissier
Imprimeur du Roy.

Case

F

39

.326

1579m

THE NEWBERRY
LIBRARY



IE E la necessité de voz affaires tât
 fidèlement au vif représentée, en
 l'assemblée de voz tres-humbles &
 obeyssans seruiteurs & subiects les
 trois estats de Normendie, Par M^o
 seigneur de Mont-morency, &
 Monsieur de Bellieure, qu'il a pleu à vostre Majesté
 leur enuoyer, est par eux plainte & regrettée de tel-
 le affection, qu'il n'y a chose au monde apres le de-
 sordre qu'ils voyent continuer en l'Eglise de Dieu,
 qui les passionne & afflige d'auantage.

CAR ils confessent bien qu'estans chrestiens,
 ils portent plus impatiemment la mauuaise dispen-
 sation des prelatures Ecclesiastiques & autres de-
 sordres en leurs prouince, Mais aussi ils supplient
 tres-humblement vostre majesté vouloir croire,
 non à leur dire, mais aux mauuais effects que leur
 apporte la necessité de vos affaires pour congnoi-
 stre combien elle leur est insupportable.

LE Clergé premierement pour penser satis-
 faire à ceste necessité de voz affaires, à depuis seize
 ans fourny à sa cotte part & portion de trente mil-
 lions d'Escus, que vostre majesté à leué sur les Ec-
 clesiastiques de vostre Royaume.

LA Noblesse, outre ce qu'elle a fort libremēt
 despendu du sien pour le seruice de vostre majesté
 par sa tres-fidelle assistance en toutes voz guerres, à
 contribué en contemplation, & pour le remede de
 ceste necessité de voz affaires, aux frequentes & in-
 acoustumez leuez de l'Arrierebañ, excessiues crües.

de gabelles, impositions de vin, douanes, & autres subſides qui la trauaillent d'autant plus, que plus elle faiçt de deſpence.

OMLE peuple pour ceſte meſme neceſſité de voz affaires à tant ſouffert de leuees extra-ordinaires per vne infinité d'Ediçts nouueaux, que c'eſt choſe admirable aux eſtangers qui en ont ouy parler, cōme il a peu ſortir en ſi peu de temps tant d'argent d'une ſeulle Prouince, Et à voz pauures ſubieçts, eſt choſe tant intollerable que ſoubs le ioug de telle peſanteur pour peu qu'il dure, il eſt force qu'ils demeurent accablez.

C E S T E neceſſité de vos affaires par deſſus tous ces malheurs particuliers produiçt trois autres mauuais effectſ cōmuns à tous voz trois Eſtats de Normandie, la venallité des Offices & multiplicité des Officiers & Commiſſaires extra-ordinaires, & le rauage des gens de guerre.

C A R voſtre Maieſté forcee par ceſte neceſſité de vos affaires fatalles en noz malheurs, eſt cōtraincte de pourueoir aux charges de iudicature tant de perſonnes incapables, Qu'il n'y a celuy de vos pauures ſuiets ayāt ſon bon droit à la proteçtiō de telles gens, qui aye ſa ſubſtāce, ſa vie & ſa reputatiō aſſeuree, & ſi comme il eſt vray, il ſe trouue quelques gens de bien, c'eſt d'auāture, & non par aucun bon ordre d'y pourueoir, qu'ils y ſont eſtabliz.

A C E mal approche fort l'incommodité qui n'aiſt du nombre ſuperflu des Officiers qui trauail-

lent, comme vne maladie vniuerselle toutes les parties du corps de voz pauvres estats, l'erection desquels a fondement sur ceste dommageable & ennuyeuse necessité de vos affaires, comme aussi les Commissions extra-ordinaires partants pour la plus part de la boutique des plus malicieuses personnes, qui pour acquerir quelque faueur donnent à vostre Maiesté des inuentions pernicieuses pour subuenir à la necessité de vos affaires.

M A I S ce que les Decimes, impositions & gabelles, Tailles, Iuges concussionnaires, Commissaires extra-ordinaires, & finalement la formilliere des Officiers à laissé de reste à voz trois estats affligez, le passage des gens de guerre leur vient raurir incontinent, lesquels sans aucun respect & discretion de personnes pillent par tout, allegans leurs Capitaines, pour excuse la faute de payement, tres-mauuais regetton de ceste racine de tous maux, la necessité de voz affaires.

E T qui pirs est que tout cela, & que tous voz pauvres subiets recongnoissent estre le periode de leurs malheurs, & leur finalle ruyne, c'est que telle necessité de vos affaires est plus grande & affamee qu'elle ne fust iamais, comme ce gouffre Romain, auquel les meubles plus precieux & l'ineestimable valeur de tant de pierreries ne peurent suffire, & ne ce peut iamais rassasier, que par l'engloutissemēt de la vie humaine.

A I N S I miserable sera la condition de voz troys Estats, tandis que vostre Maiesté sera

en telle necessité de voz affaires, car tous leurs biens iettez dans vn tel abyfme seront confomez en interest, auant que pouuoir en arriuer au fondz, pour seruir tant soit peu de commencement à le remplir, tellement que leur conuiendra habandonner femmes, enfans, & eux mesmes, comme esclaués. Et en fin dōner leur sang & leur vie pour y fournir, dont ils s'ensuiura que comme le Clergé, la Noblesse, & le peuple voudra fournir à l'entretienement de vostre maiesté, Vostre maiesté se trouuera defournie de Clergé, de Noblesse, & de peuple.

IL n'est donc pas mauuais subiect n'y desobeissant qui supplie tres-humblement vostre maiesté de condescēdre à se laisser seruir & desbrouiller de ceste necessité d'affaires, mais au contraire mauuais Conseillers & pernicioeux, qui empesche vn tel bien duquel depend le repos de vostre maiesté, & de voz pauures & affligez subiects.

ET ne veulent voz trois Estats oublier à remercier tres-humblement vostre maiesté de la paternelle affection qu'elle faict parroistre à son peuple par ceste derniere liberalité, de cent mil liures en diminution des tailles, mais ils se plaignent & lamentent de ce qui leur a esté remonstré, Que ce tres-petit allegemēt pour eux à tant cousté à vostre maiesté, obstat ceste onereuse & plus insupportable à eux qu'à vous necessité de voz affaires, lequel allegemēt, rabaiz, ou descharge, à quelque somme qui se puisse mōter, lesdicts Estats supplient estre faicte au marc la liure sur tous les cōtribuables dudit pais.

S I donc les droicts diuins & humains n'estoiēt peruertiz en ce Royaume, & que voz subiects ne eussent occasion de vous supplier, comme ils font tres-humblement de mieux dispenser les prelatures & affaires Ecclesiastiques à l'aduenir, ils ne mettroient au Cayer de leurs tres-humbles & iustes supplications que le seul article suyuant.

Q V' I L plaise à vostre maiesté veu qu'elle à faict remonstrer aux trois Estats de sa Prouince de Normandie, que les maux passez & presens sont prouenuz de la necessité de voz affaires, Et que lesdicts trois estats vous font veoir à l'œil que plus grands maux en peuuent venir, permettre que vosdicts suiets vous en puissent tirer par vne assemblee generale, en laquelle il se traite de l'acquiēt de vos debtes, & ce pouruoye à tous les maux qu'à apporté, qu'apporte, ou que pourroit par cy apres apporter la necessité de voz affaires, & ce dedans le temps le plus brieſ que faire ce pourra, lequel tomps voz pauvres suiects mesurants à leur puissance, Vous supplient tres-humblement limiter au iour de d'autant que l'attente tend en vn tel malheur les choses plus difficiles, & presques impossibles.

E T en attendāt ceste assemblee autāt necessaire à vostre maiesté, qu'à voz pauvres suiects, Esperans lesdicts trois Estats, que vostre maiesté leur accordera tref-volontiers les articles cy dessus, & autres cōtenues en certain cayer, dont ils ont dōné charge à leurs deputez faire remōstrāce, accordēt à vostre dite maiesté pour ceste année les parties & sommes de deniers qui ensuyuent, C'est à sçauoir.

P O V R le corps principal de la taille, la somme de deux cens soixante dix mil escus, Sur laquelle feront prins les gaiges des Officiers des finances qui estoient du Roy Loys douzième, dont la suppression n'est requise cy.

Deux cens soixante dix mil escus.

P O V R la reparation & fortification des villes, Chasteaux dudit pays, la somme de quatre mil soixante vnze escus vn tiers, Supplions sa maiesté que ladite somme soit fidellement employee pour c'est effect, & le compte rendu à l'assemblée des Estats prochains, par ceux qui sont commis au maniment desdits deniers cy.

Quatre mil soixante vnze escus vn tiers.

P O V R les gaiges de ceux qui sont establis pour l'apprehension des malfaiteurs & delinquans, suyuant qu'il est contenu au cayer desdiss Estats generaux de Bloys, à la charge de faire leur deuoir, comme il leur est enioinct par les Ordonnances sur-ce faites, la somme de cinq mil deux cens soixante seize escus & deux solz cy.

Cinq mil deux cés lx. seize escus & deux solz tour.

Pour le payement des postes, mil escus cy.

Mil escus.

P O V R les taxations des Commissaires deputez, tant pour la seance des Estats tenuz à Nouembre à la raison de cinq Commissaires, suyuant le reiglement sur-ce fait requerant que sur ledit nombre de cinq, Messieurs de Granville & Procureur general y entrent, pour-ce cy.

Mil trente trois escus vn tiers.

P O V R les taxations des deleguez des Estats,
& fraiz

& fraiz de la conuocation desdits Estats de Nouembre, la somme de neuf cens quarante six escus , empeschants la leuee de deux cens escus au Greffier des Estats , pour le departement qu'il souloit faire du taillon, d'autant que ledit estat est de long temps supprimé, & que lesdits gaiges ont esté cōtinuez au deffunct Sieur de Baucquemare par cy deuât Greffier desdits Estats , pour l'interest de quelque deniers qu'il auoit payez, lors de l'erection dudit Office de Greffier du taillon, ce qui est extainct par la mort aduenüe audit sieur de Baucquemare cy.

Neuf cens quarante six escus.

P O V R les fraiz communs dudit pays , treize cens trente trois escus vn tiers cy.

Treize cens trente trois escus vn tiers.

P O V R autres fraiz extra-ordinaires , pour les taxes des deputez desdits Estats , tant ceux qui ont esté en Court que les deputez particuliers qui ont assisté à la seconde conuocation desdits Estats , & autres fraiz faicts & dependences d'iceluy , suyuant les lettres patentes de sa Maiesté à ceste fin expediez, la somme de quatre mil escus.

P O V R les gaiges & pensions de Messieurs les trois Gouverneurs à raison de seize cēs escus pour chacun de Messieurs de Carrouges, & de la Mailleye, & quatre cens escus pour chacun Lieutenāt en leur gouvernement , & deux mil escus pour le Sieur de Matignō, & quatre cens escus pour le Lieu tenant audit gouvernement. qui seront leuez , assa-
noir pour le regard des Gonuerneurs desdicts

Sieurs de Carrouges, & de la Mailleraye sur la generalité de Rouen seulement. Et pour celle dudit Sieur de Matignon sur les elections de son gouvernement, estants de la generalité de Caen, la somme de six mil quatre cens escus cy.

Six mil quatre cens escus.

Pour l'augmentation de la soulde de la Gendarmerie dict le taillon, la somme de vingt sept mil cinq cens quatorze escus vn tiers quatre solz cy. Vingt sept mil cinq cens quatorze escus vn tiers quatre solz.

SUPPLIANS tres-humblemēt sa maiesté soy contenter pour ceste-dite annee de tel secours, lequel outre-passe de beaucoup la puissance du pauur peuple, veu l'extreme necessité en laquelle il est constitué. Et ordonner que la leuee desdicts deniers ne sera faite que vne seule & mesme assiette, en laquelle seront les Articles distinctes & separez comme il est dict cy dessus, pour estre payez à vn seul & mesme terme, par les quatre quartiers esgalement. Et à ceste fin seront expediez commissions par les Commissaires desdicts Estats, ainsi qu'il a esté accoustumé, Et que les Commissaires particuliers enuoyez par sa maiesté, pour la leuee des deniers qu'elle auoit faict demander en la seance desdicts estats de Nouembre soient reuocquez. Pour auoir esté vne forme innouee au preiudice des preuileges & libertez desdicts Estats, & qu'il n'en demeure aucune chose qui en puisse continuer la memoire à la posterité.

OUTRE accorde le député en l'election de

Caen, pour le payement de certains cheuaux & charroy prins aux maisons d'aucuns particuliers de ladite generalité de Caen, pour mener & conduire l'artillerie, pouldre & munitions del'armée dont à eu la charge le Sieur de Matignon, en l'année mil cinq cens soixante quatorze. Pour la reduktion des villes occupez en son gouuernement, la somme de cinq mil soixâte fix escus sol deux tiers & dix-huict solz, que sa maiesté à ordonné estre leuee sur les cōtribuales de la generalité de Caen seulement en trois années consecutiues par tiers & esgalle portion. Ce qui a esté contredit par les autres deputez en plus auant que son election de Caen seulement, qui seroit pour la deuxiesme année, seize cens quatre vingts huict escus deux tiers dix-neuf solz quatre deniers.

Qv i est à dire vray le pain de leurs peres, freres, femmes, & enfans, Et ce neantmoins iusques au terme susdict, Supplient tres-humblement vostre maiesté considerer que c'est tout ce qui leur reste, & de moyen & d'esperance de pouuoir accomplir de tous nombres la tres-humble obeyssance, qu'ils vous doiuent.

Fait & arresté en la conuention generalle des Estats de Normendie, tenue à Rouen le trentiesme iour de Mars mil cinq cens soixante & dix-neuf.

tre que de son temps le bien & reuenu d'icelle soit si miserablement dissipé comme en preuoit que les choses si acheminent tant par la prouision qui se faict des prelatures & principales dignitez de l'Eglise autrement que les Saincts decrets & concordats ne permettent, Que pour les grands & excessifs deniers qui ont esté leuez sur le Clergé, tant par allienation d'une bõne partie du temporel que autrement.

V.

SUPPLIANS pour ces causes les dessusdicts gens d'Eglise, n'estre d'auantage poursuiuis pour cõtinuer le payemēt des Decimes, d'autāt que le cõtract fait auec sa maiesté en l'an 1567. est expiré; Et en cas qu'on les voudroit poursuiuir par emprisonnemēt de leurs personnes ou execution de leurs biens, s'opposent de rechef & persistent en tout & par tout à l'opposition jà formée par lesdicts du Clergé au moys de Nouembre dernier.

VI.

ET d'autant que la noblesse aussi bien que le tiers estat à vn notable interest que le bien de l'Eglise soit conserué, Soit pour-ce que plusieurs des Abbayes, Prieurez, & autres benefices dudit pays, Ont esté fondez ou agrādis par leurs predecesseurs, soit pour-ce que leurs parens peuuent estre pourueuz, nourriz, & entretenus desdicts benefices, au soulagement des grandes charges domestiques que ils portēt, Qu'il plaise à sa maiesté ne leuer cy apres aucuns deniers sur les Eglises tant par allienation Decimes que autrement, Ains laisser le reuenu d'icelles à ce à quoy il a esté estimé pour y estre employé ainsi que le droict le requiert.

Resp. pour les trois, quatre, cinq, & vj. article.

Le Roy p son Edict fait sur les Cahiers des estats generaux de son Royaume, pense auoir suffisammēt pourueu à toutes choses qui seront requises pour maintenir l'Eglise de son Royaume en bon estat, & remettre l'ordre Ecclesiastique en la dignité & splendeur qu'il a esté autrefois, à la conseruation de l'honneur de Dieu & edification de son peuple, estat bien deliberée sa maiesté de faire estroitement observer ce qu'elle a en cela ordonné. Et quant aux alienations qui ont esté cy deuant faites du Domaine des Ecclesiastiques, ce a esté à son plus grand regret, Car elle n'a iamais ceddé à pas vn de ses predecesseurs Roys en Zelle & affectiō de cōseruer & maintenir ladite l'Eglise en sa grādeur cōme elle en a fait d'assez notables preuues cōgneues à vn chacun, mais elle espere Dieu aydāt qu'il n'aduiendra plus de semblables occasiōs que celles qui ont cōtrainct de venir ausdictes alienatiōs. Et que ledit Clergé en sera du tout exēpt à l'aduenir & sentira en toutes choses vn fauorable traictement. Et quāt à la cōtinuation du payemēt des Decimes accordees par le cōtract de Poissy, Sa maiesté desire qu'il se face selon qu'elle l'a escript aux Archeuesques & Euesques de son Royaume, Et que en cela ceux dudit Clergé se monstrent imitateurs de leurs predecesseurs qui n'ont iamais denié vn bon & notable secours de leurs moyens & facultez, aux feuX Roys François, & Henry, ayeul & pere de sadite Maiesté, encores qu'il n'eussent aucun cōtract avec eux, & que leur necessités feust beaucoup moindre que celle qui presse aujour d'huy sadite Maiesté, & sans aussi qu'il y eust telle cōsideratiō que celle du payemēt des rentes de l'Hostel de la ville de Paris, en laquelle il sagist de la foy publicque.

VII.

LES Cures & Chapelles de la prouince de Normandie sont à la plus-part du patronnage laïque, Et neantmoins par cy deuant outre les grands deniers qui ont esté leuez sur icelles, soit par Decime ou autre tiltre de subuérion, on les a comprinses en l'allienation du tēporel de l'Eglise par roolles dressées au Conseil priué, au grād preiudice des Gētils-hōmes & autres patrōs. Les predecesseurs desquelz depuis le Concile de Latrá auoiēt remis les dixmes aux Eglises, se reseruāt seulemēt la presentatiō aufdicts benefices, pour en pourueoir leurs enfans & parēs qui en seroient capables, mais à raison de tels impôts sont lesdicts benefices si attenez & diminuez de valeur, que les titulleres de grād nombre d'iceux n'ouroient à present moyen d'en viure à la grāde foule de leurs parens, ausquels sans ceste pauureté, ils laissoiēt leur partaige & bien patrimonial. A quoy il plaira par semblable à sa Maiesté vouloir pourueoir, & pour l'aduenir s'il est cōtrainct de demander quelque subuention sur le Clergé n'y cōprendre les Cures ny autres benefices dont les Gētils-hōmes & autres ses suieſts serōt patrōs & fondateurs, & non sadite Maiesté.

Lesdites Cures & Chapelles de patronnage laiq̃ ne peuuent estre separees du reste du Clergé cōme estant d'un mesme corps, Et est besoin q̃ les choses demeurent en ce regard, selō qu'elles ont esté par le passé. s'assurant bien aussi sadite Maiesté que tout le Clergé de son Royaume s'y opposeroit.

SERA par semblable sa Maiesté aduertie que aucuns Commissaires ont esté deputez pour rechercher le reuenu des leproſaires & maisons Dieu.

soubs pretexte de reformation desdites maisons, & les deniers bons transportez hors la Prouince qui debuoyent plustost estre distribuez aux pauvres des lieux, ou employez à la reparation desdites maisons ou achapt de reuenu pour icelles au grand scandalle & mal contentement du peuple qui n'auoit moyen de se pourueoir contre l'insolence & abbuz d'aucuns desdits Commissaires, Pour n'auoir ouuerture facile de iustice, attendu que la Court de Parlement estoit par lesdites Commissions interdite de congnoistre desdites appellations contre les preuileges & coustumes dudict pays. A ces causes il plaist à sa Majesté reuocquer telles commissions comme extorquez de sadite Majesté contre Dieu & raison, & laisser la prouision, uisitation, direction, & reformation desdites maisons, aux patrons & fondateurs d'icelles, & aux superieurs & diocessains selon la disposition des sainctz Concilles, Reuocquans aussi toutes Ordonnâces qui pourroyent auoir esté faites au contraire.

Sa Majesté à reuocqué la susdite Commission, & en à esté la reuocation baillee par le Presidēt de Bellieure, voulant d'abondant qu'elle sorte effect, sans que icelle commission puisse estre plus auant poursuyue. Et quant à la prouision, uisitation, direction, & reformation desdites Leprosaries, Elle veult & entend qu'elle demeure à ceux à qui elle appartient, & qu'il en soit vŕé selon l'Ordonnance de ses predecesseurs Roys, & ce qui en est porté de nouueau par ledit Edict fait sur les cahiers des Estats.

I X.

QV'IL plaife à fa Majesté ne vouloir changer ou innouer aucune chose en la qualité des benefices, soit pour les eriger en Commanderies, Cheualeries ou autrement. Mesmes ceux qui sont de la fondation d'autres que des Roys, sans que tel changement soit deliberé par les Estas generaux du Royaume, n'estant raisonnable que chose de si grande consequence se face, sans oyr tous ceux qui y auroyent interest, quelque permission qui ayt ou puisse donner nostre Sainct Pere le Pape, vers lequel sa Maiesté procurera plustost que les Archeuesques & Metropolitains tiennent leurs Synodes & Conciles prouinciaux pour la reformation des meurs, Et pour faire actuellement employer le reuenu des benefices à ce à quoy il est destiné.

La Majesté n'a aucunement pensé à faire ladite innouation & changement de benefices, comme encores n'en à elle point de volonté, Estimant au surplus auoir si bien ordonné par son Edict fait sur les cahiers des Estat^x generaulx du deuoir que auront a faire les Archeuesques & Metropolitains qu'il ne s'i peult riens desirer d'auantaige.

X.

ENCORES que les dismes soyent & appartiennent ausdicts gens l'Eglise pour leur nourriture, entretien, & faire le diuin seruice, Sás que les Nobles, gens de Iustice, n'y autres les puissent prendre à ferme directement ou indirectement, Ce que sa Majesté à de nouveau accordé par la respõse du cahier de l'année mil cinq cens soixā-

te seize, Ce neant-moins ladite Ordonnance est
tres-mal obseruée. Si supplient qu'il plaise à sa
Maiesté la faire effectuer promptement, sur pai-
ne aux infraçteurs d'estre declarez roturiers &
& contribuables à la taille.

*Le Roy veut que ladite Ordonnance soit gardee, sur peine
à ceulx qui y contreuiendront d'estre declarez roturiers
& taillables, selon qu'il à esté de nouueau amplement
ordonné par ledit Edict des cahiers des estat & gene-
raulx.*

XI.

ET pour ce qu'il a plusieurs villes où il n'y a
Eglise Cathedralle ny Collegiale, Qui est cause
qu'ils ne peuent auoir Escolles pour l'instruction
de la ieunesse, Supplient que sur les Abbayes &
Prieurez proches, qui sont de grand reuenue, les-
quelles ne sont deseruiz selon les Saintz canons
& fondations à cause du petit nombre de Reli-
gieux, Qu'il soit prins quelque deniers pour em-
ployer à l'entretènement d'un precepteur pour
instruire la ieunesse du pays.

*Sa Maiesté trouue bon le contenu en cest article, & veut
qu'il y soit pourueu au contentement de ses subiects, en
la prochaine assemblee qui se fera du Clergé de son Roy-
aulme, outre la prouision qui y est ià donnee par ledit
edict des cahiers generaulx.*

XII.

ET pour le regard de l'assemblée generale du
Clergé, qu'il a pleu à sa Maiesté terminer au moys
de May prochain, remonstrent que ladite assem-

blée ne leur semble point necessaire si tous les trois Estats ny sont en forme d'estatz generaux, Car l'interest de l'Eglise, & celuy de la Noblesse & du tiers estat, Concluans tous ensemble que cela ne se doit point particulariser.

sa Maiesté à indiét ladite assemblee pour l'euident bien, proffict & utilité dudict Clergé, & y estre traité de plusieurs affaires qui le concernent de tresgrande importance, enquoy elle à eu esgard aux remonstrances qui luy ont esté cy deuant faites par icelluy Clergé, pour plusieurs causes & occasions qui luy atouchent particulièrement.

XIII.

SA Majesté est aussi suppliée faire garder & obseruer l'Ordōnance que vn chacun en sa ville ou village, aye à nourrir les pauures de sa paroisse, sans leurs permettre aller mandier pour euitier aux inconueniens qui en aduiennent: Ordonnans pareillement que reiglement sera donné aux maisons des hostelz Dieu, à ce que le bien qui y est, soit distribué ausdicts pauures.

Sadite Maiesté l'accorde, comme chose qu'elle trouue tresraisonnable.

XIIII.

EN continuant les tres-humbles requestes des annees precedentes, sera sa Majesté suppliée de maintenir la Noblesse en tous les priuileges & libertez & luy commettre vacation aduenant les charges honorables de la Prouince, comme Cappitaineries & Gouuernemens des villes, Cha

steaux, places fortes, & autres charges publiques
Esperant le peuple qu'il recepuera meilleur traitement de ceux de leur partie que des estrangiers
Suppliant sa Majesté vouloir fauoriser en cela
ladite Noblesse, & les preferer ausdits estrangers.

XV.

SUPPLIANS par mesme moyen sa Majesté
ne leuer plus l'Arriereban, que selon & ainsi qu'il
est contenu en la Chartre Normade, & en toutes
choses les maintenir en leurs franchises & libertez
suyuant icelle Chartre.

Resp. pour les quatorze, & quinzieme article.
Sadite maiesté n'a autre plus grand desir, & aura tousiours bon esgart auxmerites de ceux de la Noblesse, Pour selon qu'ils en seront dignes & capables, les admettre aux charges honorables non seulement de ladite Prouince de Normandie, Mais aussi des autres Prouinces de son Royaume lors que l'occasion s'en presentera, Et quant à la leuee de l'Arriereban, elle est bien deliberee de ne la faire que au grand besoing, selon les formes de tous temps accoustumees, & que le bien general du Royaume le requerra.

XVI.

Et pareillement que toutes disputes prouenantes entre Gentils-hommes pour faict d'armes ou ny aura aucune supercherie, La congnoissance en soit interdite à toutes Courts souueraines & autres iuges quels-conques, & icelle attribuer à Messieurs les Marechaux de France, ou bien à Messieurs les Gouverneurs & Lieutenans generaux de la Prouince.

Le Roy ne peut riens changer à ce qui a esté de tout temps obserué en son Royaume , de peur d'apporter par telle nouveauté plustost vne occasion d'augmenter les debatz & querelles , auéc grand desordre & confusion que vn bon reglement , & veut que les gens de sa iustice ayant cognoissance de telles disputes & differens, ainsi que de tout temps il est accoustumé.

XVII

QV'IL plaise à sa Majesté retenir pres sa personne pour son Cōseil Monsieur son frere, Princes de son sang, Messieurs les Marechaux de France & autres Officiers de la Couronne , faisans actuellement leurs charges , mesmes les Gouverneurs des Prouinces , Capitaines des villes & Chasteaulx , & autres qui ont charge publicque, afin de remettre en rel splendeur le Royaume qu'il estoit du temps de ses predecesseurs Roys.

Chacun scait assez quel lieu tient au Conseil de sa Maiesté mondict Sieur , ensemble les susdictz Princes, Marechaux de France , & Officiers de la Couronne, Et l'establissement qu'elle a faict en sondict Conseil depuis quelques moys en ça, pour y remettre les choses en meilleur estat qu'elles n'estoyent par le passé.

XVIII.

LES DICTZ Estats remercient sa Maiesté de la promesse qu'elle leur faict de cōseruer les preuileges du pays & Chartre Normande , pourueoir à la suppression d'Officiers qui viennent à la foule du peuple , & punition de ceux qui auroyent commis exaction & concussion en leurs charges.

XIX.

ET dautant que la conseruation de ladicte Chartre & priuileges & entretien du peuple en paix depend principalement de la iustice, Qu'il plaise à sa Majesté pourueoir aux Officiers de iudicature, mesmes en sa Court de Parlement de Rouen, gens de bien & de vertu, Et ce par nominatiōs, electiō & redactiō au premier nōbre suyuant les anciennes Ordonnances & requisitiō de leur premier cahier, & si entre ceux qui seront nōmez & Eleuz, il s'en trouue quelqu'un qui soit Gentil-homme & de pareille suffisance, qu'il plaise à sa Majesté le preferer, considerant sa Majesté s'il luy plaist qu'elle ne reçoit aucun ou bien peu de prouffit de la vendition desdictes Offices, & neantmoins est grandement chargée pour le payement de leurs gaiges.

Resp. pour le dix-huict & dix-neufiesme article.

Sadite Maiesté en a ordonné selon qu'elle à estimé estre pour le mieux par l'Edict des cahiers des estats generaux, A quoy elle ne peust riens adiouster, & neantmoins declare que où il y auroit competance pour la prouision de quelque estat de Conseiller de la Court de Parlement, entre vn qui sera Gentil-homme & autres qui ne le serōt poinct, elle preferera volōtiers ledict Gentil-hōme, moyennāt quil se trouue pourueu de preud' hōmie, suffisantse, et autres qualitez en tel cas requises.

XX.

Plaise aussi à sa Maiesté reuoquer toutes cō-

missions extraordinaires, baillees à autres iuges qu'à ceux de la Prouince, signamment celle d'un nommé Bodin, grand perturbateur & infracteur des loix & coustumes de ce pays & de ladite chartre Normade, Ensemble renouer toutes euocations, soit par droit de regalle, eaux, & forestz, de pairrie, des depredatiōs marines, de Marchādises, de titres d'Offices de la receptiō de Vis-baillifz, Preuosts de Messieurs les Marechaux de Frāce, & leurs Lieutenāns, des differēs resultās des comptes réduz à la Chambre, dōt réuoy le faict à la Court des aydes à Paris, & generalemēt de toutes causes meuz & à mouuoir en iugemēt cōtraditaires cōcernans les fināces ordinaires & extraordinaires mesmes ou les Procureurs dudit Seigneur seroyent en cause principale, & q̄ toutes querelles d'être les particuliers de quelque qualité qu'ils soyēt, & quelcōques iurisdicțiōs & estat qu'ils puissent estre soient renuoyez par deuers les Iuges ordinaire dudit pays, Pour y estre vuydez & decidez selon les coustumes & vsage d'iceluy, Nonobstant tous Edicts Ordonnances institutions, attributions, commissions, preuileges, euocations. ou autres dispositions, contraires à ladite Chartre, comme aussi vouloir que les proces d'être les domestiques dudit pays, soyent traitez en ceste dite Court de Parlement, attendu qu'il y a Chambre des requestes instituée, ou bien en attribuer la cognoissance en ladite Court, n'estant raisonnable que pour trois mois de seruice qu'ils doyuent à sa Majesté ils apportent vexation à leurs parties neuf autre mois.

Le Roy a pourueu par le susdict Edict à la renocation desdites commissions extra-ordinaires & des euocations. Et quant à celle dudit Bodin elle surceoirra iusques à ce que aultrement en soit ordonné. Voullant pour le regard des procés que ont ses Officiers domestiques dudit pays de Normandie qu'ilz soyent traite à la Chābre des requestes à Rouan, si ce n'est pour le regard de ceux que sont obligez à vn seruice ordinaire pres sadite Maiesté, & qui ne seruēt par quartier, qui les pouront en vertu de leurs commitimus tirer à la Chambre des requestes à Paris.

XXI.

Et neantmoins si pour satisfaire à l'Edict de Pacification, il est besoing d'auoir vne Chambre de l'Edict, Plaira à sa Majesté la dresser sur le roolle & liste des Presidens & Conseillers de ladite Court de Parlement de Rouen, astraingans ceux qui seront choiziz & nommez d'accepter la charge sans s'en pouuoir excuser.

Sa Maiesté veut que ladite Chambre soit dressée, pour satisfaire à ce qui est de l'Edict de Pacification.

XXII.

CONSIDERÉ les frais enquoy tombent ceux qui ont causes à vuyder en ladite Court de Parlement, il plaira à sadite Majesté ordonner que durant la seance de six sepmaines de chacun Bailliage, ladite Court ne pourra expedier autres causes sinon celles dudit Bailliage & par roolle, Et au surplus que apres la seāce desdites six sepmaines passez, le reste des causes sera remis iusq̃s à la prochaine seance dudit Bailliage, afin que le peuple ne soit à perdre temps & se consumer en fraiz.

*Le Roy desire que les reiglemens de sa Court de Parlement,
soyent estroitement observez, Et à ceste fin en escrira
expressement aux gens tenans ladite Court.*

XXIII.

PLAISE à la Maieſté enioindre de rechef aux
aux Commissaires par elle deputez pour rediger
par eſcript les couſtumes de ce pays de Normandye,
de proceder promptement & toutes choses
ceſſantes à l'exécution de leur dite commission,
aſin que le pays ſe puiſſe reſſentir du fruit qui
en pourra venir.

Accordé.

XXIII.

Et en perſiſtant aux requestes par eulx cy de-
uant faites, Eſt la Maieſté tres-humblement ſup-
pliee ſupprimer deſapreſent tous Officiers tant
de iudicature que de finances, erigez depuis la
mort du Roy Louys 12 ſans attendre que par
mort ou forfaiture vacatiō y eſchee, en les declar-
ant priuez des priuileges qui leur auroyent eſté
attribuez par leur institution, aſin que le peuple
qui à affaire des plaintes contre eux ſoit plus li-
bre de les propoſer, Accordant neant moins à
ceux qui ſe trouueront auoir bien verſé en leurs
charges qu'ilz ſoyent payez à raiſon du denier
douze leur vie durant ſeulement, de la finance
qu'ilz monſtreront auoir actuellement, & ſans
fraude payé & entré es coffres de ſa Maieſté.

XXV.

Pour ceste cauſe ſuyuant ce que ſa Maieſté à
accordé en ladite reſponce, Qu'il ſoit faiſt re-
cherche des concuſſions & maluerſatiōs deſdicts

Officiers de quelque qualité qu'ils soyent, tant anciens que nouvellement erigez, par les Presidens & Conseillers de la Court de Parlement de Rouen, iusques au nôbre de douze ou treize que lesdictz estatz nommerôt à sa Maieité, Ausquelz sera enjoinct de proceder sommairement à la recherche & punition des delicts & abuz commis, par lesdictz Officiers leurs commis, sollicitours & entremetiers, presens aux informations, recherches, & examens de tesmoins qui se feront contre lesdicts Officiers, Les deputez de chacû Baillage & vicôté qui ont assisté aux presés estats, Supplians ausi sa Maieité auctoriser lesdictz Estats qu'ilz nomment vn Ecclesiastique, vn de la Noblesse, & vn du tiers estat, pour assister au ingement desdictz proces qui n'auront neant-moins aucune voix deliberatiue, Et que les deniers prouenans des condamnations, seront mis es mains du Recepueur desdictz Estatz, pour les employer au remboursement & extinction des supprimables.

XXVI.

PLAIRA ausi à sa Majesté donner charge ausdicts Presidens & Conseillers, de faire la recherche des deniers leuez sur le peuple depuys dix ans pour paruenir à la punition de ceux qui se trouueront auoir abuzé de l'auctorité du Roy & de leurs Estats, & pareillement que les deniers prouenans desdites condamnations, soyent ausi appliquez au remboursement & extinction des autres.

Resp. pour le xxiiij, xxv. & xxvi. Article.

D ij

Le Roy ne peut riens changer en ce qu'il à cy deuant ordonné pour le regard de la suppression des Offices super-numeraires, tant par sa responce qu'il a faite au premier cahier présenté par leſdictz deputez des Estats, que par son Edict faict sur les cahiers des Estats generaux de son Royaume, qui est en cas de vacation d'iceux aduenant par mort ou forfaiture, ou bien par remboursement des deniers fourniſes finances de sa Majesté par les pourueuſ desdites Offices, Mais pour pourueoir aux plaintes des concuſſions & maluerſations que l'on pretend auoir esté faites par plusieurs Officiers de toutes sortes & qualitez, ainsi que l'ont requis les supplians: Sa Majesté trouue bon qu'ils nomment vingt-quatre tant Presidens que Conseillers de sa Court de Parlement de Rouen, deſquelz elle en choisira treize, pour proceder sommairement au iugement deſdictz Officiers qui auront maluerſé, Ausquelz Iuges elle ordonnera en faire leur plain & entier deuoir, de sorte que punition s'enſuiue des coupables, Trouuant auſi bon ſadite Maieſté que ceux deſdictz Estats nomment & deputent quelques ungz d'entre eux pour le ioindre avec son Procureur general, Pour lequel effect ilz nommeront troys personnes deſquelles ſadite Maieſté en choisira l'une, A laquelle pourront en ceste partie administrer memoires, enſeignemens & instructions contre ceux qui seront deſſerz, Et auront leſdictz deputez entree audit lieu ou s'assembleront leſdictz Iuges pour leur proposer toutes les remonstrances que bon leur semblera contre les accusez, Veut auſi ſadite Maieſté que iceulx Iuges ayent la cognoiſſance des deniers qui ont esté mal leuez sur le peuple depuis dix ans, pour proceder au iugement & condemnation de ceux qui ont

mal versé, Et que les deniers prouenant des condempnations des vngs & des autres soyent mis es mains du Recepueur des Estatx, pour estre apres appliquez au remboursement des autres Officiers supernumeraires, sans qu'ilz puissent estre employez ailleurs en quelque sorte que ce soit.

XXVII.

REMONSTRENT lesdictz Estats que l'une des plus grandes exactions qui se faict sur le peuple, est au departement des tailles par les elections & parroisses, ainsi qu'ilz esperent que par ladite recherche il sera descouvert, Pour à quoy remedier il plaira à sa Majesté ordonner le reiglement qui ensuit, C'est assçauoir que apres que lesdictz deputez auront accordé au Roy la demande qu'il fera faire en chacune Conuention desdictz Estats, le departement general en sera faict par le corps desdictz Estats, de ce que chacune viconté & de diuerses parroisses gens de bié & renommez pour faire en l'année le departement particulier par les parroisses, Apres bonne enqueste par eux faite de la commodité ou incommodité de chacune parroisse, Ce faict esliront quel que notable Bourgeoys de la ville principale de la viconté qui fera la recepte pour vn an, dont ilz seront responsables, Avec lequel ilz commanderont tant pour le port des deniers à l'espargne à Paris que pour la rendition des comptes de ladite année, par ces moyens ne fera

plus de besoing audict pays de Tresoriers, generaux des finances, Recepueurs, & Controolleurs generaux & particuliers, anciens & alternatifz, Presidens d'election, Esleuz, Greffiers, Sergens, coureurs, Procureurs, & autre grand nombre d'Officiers qui tous rongent & mangent iusques aux oz, la substance de son peuple, dont les Estats dudit pays requierent la suppression par les moyens desusdictz, Et pour le faict des Proces & differendz qui pourroyent suruenir seront vuydez & iugez par les Iuges ordinaires.

Le Roy ne peut pour le present entrer en vn tel changement & nouuel ordre. Bien est-il deliberé à cause des grâdes plaintes qui luy ont esté faites de l'inegalité qui se cōmet ordinairement à l'assiette des tailles, de deputer quelques gens d'honneur & grande auctorité pour se trouver au pays de Normandie, afin de faire mieux régler lesdictes tailles qu'elles n'ont esté par cy deuant, & y establir quelque bon ordre au soulagement du peuple.

XXVIII.

PLAIRA aussi à sa Majesté declarer par Edict perpetuel & irreuoquable, que tous ceux qui procureront, solliciteront, ou obtiendront par subreption creation nouvelle des Offices supprimez, seront declarez infames & inhabiles de tenir iamais Offices, deffendant à ladite Court de Parlement & Court des Aydes, de verifier les Edictz de telle creation, ne recevoir ceux qui obtiendront prouision desdicts Estats supprimez.

*N'est besoing de ladite declaration d'autant que sadiete
Maiesté est bien deliberee quelque requeste qui luy peut
estre faite, de ne faire plus aucunes nouvelles creations
d'Offices.*

XXIX.

O V T R E le grand nombre d'Officiers qui est
venu tourmenter le peuple , Se sont presentez
par mesme moyen vne infinité d'impostz , tri-
butz , & subsides nouueaux qui l'ont tellement
attenué qui ne luy est resté aucune substance, en-
tre autres les grands impostz mis sur le sel depuis
quelques ans en çà, tant pour les regratiers, pour
la tarre des monnoyes , pour les gaiges du Con-
troolleur general & autres Officiers nouueaux
que autrement : qui sont occasion que à present
ledit sel couste plus cher au peuple de moitié
que ne faisoit il y a six a sept ans , Neant-moins
que es dernieres adiudications le prix en soit
beaucoup diminué pour le Marchant, dont tou-
tesfois le peuple ne reçoit aucun soulagement.

*Lesdicts nouueaux impôts mis à l'occasion des regratiers
& Controo'leurs cesseront selon que la suppression des
Offices effectuera, Et le surplus desdicts impôts s'em-
ploieront au rachapt des rentes constituees sur ledict
sel, cessera aussi au soulagement & descharge du
peuple apres que ledict rachapt aura esté effectué en
quelques annees selon ce qui en a esté arresté.*

XXX.

A V S S I vn autre dommageable impost sur
les traites dominiales de bledz, vins, toiles, pa-
stel, & autres marchandises qui à triplé le coust

de l'antienne impositiō foraine, C'est pourquoy ils supplient sa Majesté le voulloir reuocquer, Entendu que les Prouinces de Bretaigne, Bourgonne, Guyenne, & Languedoc en ont esté deschargées, qui seroit occasion de diuertir & transférer ailleurs le commerce.

Le Roy pour le desir qu'il a de gratifier ses subiects de son pays de Normandie, modere l'imposition nouuelle mise sur lesdits bleds vins, toilles, pastel, & autres marchandises à la moitié de la somme qu'elle fut taxee par l'Edict du mois de Feburier mil cinq cens soixante dix-sept, Ainsi que sa Maiesté l'a ordonné pour le regaad des Prouinces, de Guyenne & Languedoc.

XXXI.

ET au surplus, il luy plaise se contenter de ses droicts & impositions foraine sans aucune chose innouer aux appreriations & eualluations des marchandises, Par ce que la surhaulte de ladite eualluation, augmentation de droicts & exemption es autres lieux, gasteroit, ruinerait, & diuertiroit tout le commerce ailleurs, considéré mesmes que au pays bas & Flandres, ilz ne payent que à la raison d'un cent de sortie.

Le Roy considerera plus auant le contenu en cest article, Et ce pendant ne veult qu'il soit riens innoué en ce regard.

XXXII.

REITERENT la requeste qu'ilz ont par plusieurs diuerfes foys faite, Affin qu'il plaise à sa Maiesté reduire le quatriesme qui se prend sur les vins, sidres, & autres boyres venduz en ladi-

te Prouinee au huictiesme, ainsi qu'il se faict aux autres Prouinces de ce Royaume, avec suppressiõ & abolition des cinq solz pour muy de vin d'entree, l'imposition que l'on pretend mettre sur le poisson, & fret de Nauires, le subside du seau des draps, celuy de la Iustice ordinaire, & generallyment tous autres tributz & subsides etigez depuis le temps dudit Roy Louys douziesme comme estant grandement preiudiciable au peuple.

Ne se peult riens changer de ce qui s'est obserué cy deuant en cest endroit, Attendu la grande & notoire necessité des affaires du Roy, Laquelle ayant esté de nouveau remonstree à ceux desdictz Estats par lesdicts Sicurs Duc de Mont-morency, & President de Bellicure, ilz ne peuent que assez iuger outre la cognoissance que ià ilz en auoyent comme il se pourroit faire que sadite Majesté reduisit tous tributz & subsides, à la mesme raison qu'ilz estoient du temps du feu Roy Louys douziesme, s'il n'estoit par mesme moyen, remis au reuenu, Aydes & Domaine qu'il possedoit, avec aussi peu de charges & despences ordinaires qu'il auoit à supporter.

XXXIII.

REMERCIENT pareillement sa Majesté de ce qui luy a pleu leur accorder que le peuple puisse rentrer en la possession de ses communes qui ont esté cy deuant vendus & alienez à aucuns particuliers, Ce que lesdictz Estatz supplient tres-humblement sa Majesté estre promptement executée sans aucun remboursement, entendu que ceulx qui les ont acquises sont de mauuaise foy,

Scachant bien que telles communes apparten-
nēt au pauvre peuple & en auoyent iouy de tout
tempe immemorial.

*Le Roy ne peut accorder que les acquireurs soyēt depassez
desdites communes que par remboursement de ce qu'ilz
en auront payé aux finances de sa Maiesté, Comme cho-
se qui ne seroit autrement raisonnable, Selon ce qui en a
esté cy deuant ordonné par sadite Maiesté qui fera de-
pescher toutes provisions pour-ce necessaires.*

XXXIII.

Et persistant aux tres-humbles requestes qui
ont esté cy deuant faites à sa Majesté qui ne fut
leué durant l'annee autres deniers en la Prouince
que ceulx qui auroyent esté demandez & accor-
dez en l'assemblée des estats, Et sadite Maiesté
supplée qu'il luy plaise declarer par Edict perpe-
tuel & irreuocable que aucuns deniers ne pour-
ront estre leuez sur ses subiectz de Normandie,
soit par imposition, emprunt, creuë sur la taille
ou autrement, si la cause de ladite leuée n'a esté
proposée & accordée en l'assemblée desdictz estats
suyuant les priuileges & libertez dudit pays
portées par Chartres & confirmations des Roys
predecesseurs de sadite Majesté.

XXXV.

Et neant-moins pour ce que par ladite respo-
ce & celles des cayers des années precedentes sa
Majesté promet qu'il ne sera d'oresnauant fait
aucune leuée de deniers que par la commission
desdictz estatz, si ce n'est en cas de bien vrgente

necessité, Qu'il plaise à sa Majesté conformément ausdictz priuileges & confirmations faire en ce cas assembler leldictz estat, ou bien ceux qui auroyent assisté à la conuention precedente pour proposer lesdites affaires, ce qui se pourra faire en quinze iours au grand contentement de chacun, se trouuant sa Majesté plus prôptemēt & volontairement secouruē apres qu'on aura entendu l'equité de sa demande, & ses subiectz honorez d'estre faictz participans de ses affaires.

Resp. pour le xxxiiij. & xxxv. article.

Le Roy ne fera faire cy apres aucunes leuees de deniers audit pays de Normandie, sans les faire demander premierement en l'assemblee des Estats, selon ce qui est de tout temps accoustumé, & en cas qu'il suruiint quelque necessité entre le temps de la tenue d'iceulx qui requist vne nouuelle leuée estre faite, sadite Majesté en fera faire la demande, en vne assemblee qui se fera à cest effect de depputez qui auront assisté ala precedente assemblee desdictz Estat, Entendant au surplus sadite Maiesté conseruer les supplians en leurs priuileges & franchises autant qu'il lui sera possible, comme ceulx qu'elle veult fauorablement traiter,

XXXVI.

EN consequence dequoy & pour pourueoir aux affaires de la Prouince qui peuuent suruenir entre deux assemblees des Estats, sa Majesté est suppliee de trouuer bon que ceux qui seront nommez pour porter le cayer aurot puissance de soli-

citer, procurer, gerer, & negocier, avec le Procureur d'iceux Estats, les affaires de ladite Prouince iusques en l'assemblée de l'année ensuiuante, en laquelle ilz redrôt raison de leur negotiation, ainsi qu'il se praticque es autres Prouinces de ce Royaume qui ont estats ordinaires.

Accordé.

XXXVII.

ET pour euitier au mauuais ordre qui a esté puis quelque temps obserué en l'election des deputez des trois estats, Suplient sa Majesté que d'oresnauant le patent pour tenir lesdictz Estatz soit enuoyé vn moys deuant à ses Baillifz ou leurs Lieutenans, avec commandement expres de le faire avec toute diligence publier par les vicontez, & donner charge aux Sergens adiourner les principaulx du Clergé, & tout les Gentilz-hommes & en bailler proces verbaux de leurs responcez, afin que les Ecclesiastiques & Nobles eslisent chacun selon sa fonction vn du Clergé, & vn Noble par chacune viconté, Lesquelz se retireront avec celuy que le peuple des parroisses & communauttez des villes auront esleu pour ladite viconté au lieu principal dudit bailliage, Auquel lieu assemblez les Ecclesiastiques en esliront vn digne & capable pour l'Eglise dudit Bailliage, Et les Gentilz-hommes vn Noble, sans que d'oresnauant les Ecclesiastiques & Nobles puissent estre esleuz par le peuple. Et en charge aux Nobles de se trouuer en l'election dudit Noble chacun en sa viconté, sur peine de note d'infamie s'il ny a cause raisonnable, Auquel cas où il enuoyra, ou

procuracion specialle, Sauf neant-moins aux Bail-
liage de Caulx, Caen, & Constantin, ausquelz
pour l'ordre par eux cy deuant obseruée, ayât gar-
dé la mesme forme susdite en l'election des depu-
tez des troys Estats de chacune Viconté se retire-
ront non au lieu principal, mais alternatiuement
en chacun lieu principal de l'une des vicontez,
pour eslire l'Ecclesiastique & Noble en la forme
que dessus,

*Le Roy donnera ordre que les expéditions pour l'assemblée
desdictz Estats, serot enuoyees a temps, pour estre noti-
fies par les Bailliages ainsi qu'il appartient, Afin que
toutes choses dependantes de ladite assemblée puissent
estre executees à l'accoustumée ainsi qu'il est raisonna-
ble.*

XXXVIII.

PLAIRA à sa Majesté pour euitier à l'oppressiō
& foule du peuple, Que s'il est besoing que les
gens de guerre marchēt par le pays, que les Gou-
uerneurs de la Prouince, les feront viure par esta-
pes, Et donneront ordre qu'ils se contenteront
d'icelle, sans rien prendre & piller sur le peuple,
& que lesdictz gens de guerre seront conduictz
par Commissaires pour rendre compte de leurs ac-
tions, desquelles estappes en sera rendu compte
par deuant les deputez desdictz estatx, comme
pareillement des munitions leuez audict pays
suyuant qu'il a esté ordonné par la responce du
cayer de l'année mil cinq cens soixante & seize,
En interdisant toute cognoissance aux gens des
comptes à Paris comme il à esté cy deuant faict.

Accordé.

E iij

XXXIX.

EST aussi ladite Majeste suppliee que des deniers qui se leuent sur le pays les gens de guerre qui tiennent garnisons, compagnies de gendarmerie qui sont audict pays, fortifications, gaiges d'officiers & autres fraiz deubz en icelluy pays, Serôt payez premier que lesdictz deniers soyent emportez ailleurs.

Le Roy pourueira de si bonne sorte au payement desdicts gens de guerre, tenans garnison en la Prouince qu'il n'en aduiendra aucune plainte.

XL.

EN esclarissant les termes de la responce touchant les garnisons qui demeureront audict pays plaie à sa Majesté declarer es villes ou il y a Chasteaux & Citadelles, il ne demeurera que la compagnie qui est d'ordinaire & reduite au nombre qu'ilz estoyent és annees passees, Attendu la pauureté du peuple prouenuë de la licence effrene desdictz soldatz, de sorte que si cheuaux allant ensemble, soit pour vne querelle particuliere, soit pour aller visiter leur parés & amys ou autres affaires, effrontément logēt chez les pauvres laboureurs se disans gendarmes, Suplient sa Majesté donner licence à la Noblesse & à son peuple, de s'assembler à son de toxain, & courre sus à toutes personnes qui voudront loger chez autres que les hostelliers & Cabaretiers, si ce n'est du consentement desdicts hostes, ou si le Capitaine n'a commission ou pouuoir, lequel

auctorisé du Gouverneur, de viconté en viconté
luy sera baillé vn Gentil-homme notable pour
les faire viure par estappes comme dict est.

Sadite Majesté veut que ceulx qui marcheront en armes
sans charge ny commission d'elle, & qui tiennent les
champs à la foulle du peuple, soyent prins & apprehen-
deZ par les BailliZ ou autres Officiers de Iustice en leur
absence, AusquelZ pourront assister à cest effect les Gé-
tilZ hommes & habitans des villaiges, affin d'en
estre faite punition suyuant les Ordonnances ainsy
qu'ilZ meriteront, Et en cas de resistance sa Maieité per-
met qu'il leur soit couru sus par lesdictZ Baillifs ou
autres Officiers de Iustice, en leur absence qui pourront
estre assisteZ des GentilZ hommes & habitans di-
ceulx villaiges, pour auoir la main forte.

XLI.

Et d'autant que chacun an il se leue quatre mil
foixante vnze escus vn tiers, pour les fortifica-
tions & reparations des Chasteaux & places for-
tes dudit pays & autres frais qui s'en peuuent
eusuyuir, ce neantmoins l'on contrainct les pa-
roisses d'alétour, de faire des cornées & charrois
à leurs despens, qui est vne grande charge one-
reuse au pauvre peuple contraire en l'article
cxvii. d'Orleans, à quoy il plaira à sa majesté
pourueoir.

Le Roy n'entend point que son peuple soit contraint ausdi-
tes creuës, sans son expresse commission, qui ne sera
despeschee que en toute extremité.

XLII.

Pareillement ils supplient sa Maieité ordon-

ner que defences feront faites à tous Recepueurs du Domaine de sa Majesté, Gentilz-hommes & autres personnes ayans fiefs, ou sera deu service de Preuosté de les bannir comme aucuns font peu sen faut autant que monte le contenu de leur charge, Qui est cause que la pluspart de ceux qui sont eleuz à faire le seruicede Preuosté, sont ruinez:seulement leur sera permis de les faire bannir au dixiesme de ce que pourra leur charge pour le plus.

XLIII.

Q^{u'}i l plaise à sadite Majesté reuoker les lettres patentes par lesquelles il a ordonné que tout le trafficq & charge de marchandise par mer, qui se faict par tout le Bailliage de Constatin ne se poutra faire que aux villes de Grandville, & Cherebourg, & encores en aller prendre les acquictz à Caen, chose que vostre Maieité n'a iamais entendue, Car cela seroit cause d'oster & abollir tout le commerce qui se faict audict Bailliage, d'autant que les Portz & Hautes desdictz lieux, sôt des plus mauuais qui soit en tout ledit Bailliage, Et d'auantage il n'y auroit ordre que les Marchas de Potorson, le mont saint Michel, Aurenches, Caranten, & autres lieux & bourgades qui ont bons Portz & Hautes à leurs portes & nauires commodés, fissent Charofter leurs Marchandises ausdictz lieux de Granville, & Cherebourg, desquelles les vns sont esloignez de plus de vingt lieues, Et n'y en a plus proches q de six lieues qui leur seroit de grans frais pour le Charroy, Estât chose injuste, causee sur le profit d'un

fit d'un fermier qui a crochetté lesdites lettres.

Sa Maieſté ſ'informera des autres lieux commodés ou leſdites marchādiſes pourront eſtre chargees & eſtre portees par mer, Afin que ſes ſubiects ſoyent accommodez autant qu'il ſera poſſible

XLIIII.

Que tous anoblisſemens, & affranchiſſemens faitz de perſonnes roturiers, ſoyent Officiers de l'election ou autres, & ce de puis le decés du feu Roy Henry, ſoient renocquez nulz, & les perſonnes par cy apres impoſees à la contribution de tailles ainſi qu'ilz eſtoient au precedent.

Ceux qui ont impetré leſdictz anoblisſemens & affranchiſſemens, en iouyront pour le temps de leur vie ſeulement, & ne paſſera cela à leurs heritiers.

XLV.

Et pour-ce que pluſieurs perſonnes femmes veufues, orphelins, & mineurs, dās, Ont eſté contraincts mettre leurs deniers en rente en ſes receptes pour ſubuenir au affaires de ſa Maieſté, Sans le reuēnu deſquelles rentes ils ne pourroyēt viure, ioinct qu'il à pluſieurs tuteurs qui ſont tenuz en faire payer de ce qui leur reſte deu des arrierages d'icelle rente, Et pour ce faire fondz ſur les receptes tant générales que particulières dudit pays ou leſdites rentes ſont assignez, Sans que pour l'aduenir le payement en ſoit aucunement differé retenu ou retrenché.

Le Roy donnera ordre que leſdites rentes ſeront bien payees

*par cy apres , Ensemble les arrierages qui en peuuent
estre deubz.*

XLVI.

SA Majesté à fait expedier ses lettres patentes en ceste annee dernière pour leuer comme par forme d'emprunt, sur aucuns de ses Officiers, tant en l'ordinaire qu'en l'extraordinaire, comme Lieutenans generaux & particuliers de Bail-
liffz, Elleuz & autres Officiers, grosses sommes de deniers, Ayans fait cottizer aucuns à la somme de mil liures, autres à plus, autres à moins, Et des-
quels deniers sa Majesté pretend leur assigner Interest sur les deniers des tailles, lesquels par-
tant il conuiendra accroistre & augmenter à la charge du peuple, & d'autre part seroit donné occasion ausdicts Officiers d'exiger pour se re-
compenser desdites sommes au payement des-
quelles ils sont forcees contre leur volonté: Plai-
se à sa Majesté reuocquer lesdites lettres & faire cesser ladite leuée, Et si aucunes auoyent ia payé deniers les leur faire restituer.

*sa Maieste n'entend point que à cause desdicts emprunts,
la leuee de sa taille soit aucunement augmentee, Mais
que ce qui seraourny pour leur remboursement se pren-
ne sur les fons des deniers qui doibuent tomber en sa
recepte.*

XLVII.

QV'IL plaise à sa Majesté ayant esgard pour le payement des gaiges du siege Presidial establiz au Bailliage de Constantin, il fut erigé particulieremēt sur tous les habitās dudit Bail-

liage, vn mpost du pied fourché, qui est vne charge grandement onereuse, Et pour-ce qu'il ny a plus que trois Conseillers viuantz dudiect siege de present vn y à celuy de Caen dont lesdits deleguez de Constantin requerant suppression par mort, Ordonner que desapresent lediect subside demeurera estainct & supprimé à la charge toutesfois que iceux habitans seront tenus paier & continuer les gaiges dudiect siege Presdial qui seront leuez sur le peuple payant taille, Et au surplus que les Recepueurs dudiect subside seront tenuz en rendre compte & paier le reliqua qui n'a entré aux coffres du Roy, pour employer à l'aquit des debres de sa Majesté.

Accordé.

Faict à la Conuention des Estatz de Normandie, tenus à Rouen le trantiesme iour de Mars mil cinq cens soixante dix-neuf.

*Collation faite à l'original signé desdicts deputez Par
may Procureur des Estats de Normandie soubz-signé, les
iour & au dessusdictz.*

Signé GOSSELIN.

Faict à Paris, le quinziésme iour d'Auril, mil
cinq cens soixante & dix-nenf.

Signé HENRY.

Et plus bas,

BRVLART.

[The page contains faint, illegible handwriting.]

Das ist die Composition des Elites der ...

1871

COSSERINE















